

كعبة العشاق بأشدّ أين مقام
هزكبة ناقصاً مدة إيشاشد تملام

U ime Allaha Samilosnog Milostivog

Na osnovu člana 2. i 3. u vezi sa čl. 11. i 12. Zakona o udruživanju građana, a u skladu sa programom, Glavna skupština Udruženja derviških redova Bosne i Hercegovine "Tarikatski centar" na svom zasjedanju održanom dana 17.12.1992. godine u Sarajevu donosi

S T A T U T

Udruženja derviških redova Bosne i Hercegovine "Tarikatski centar"

I OPŠTE ODREDBE

Član 1.

Udruženje derviških redova Bosne i Hercegovine "Tarikatski centar" (u daljem tekstu Udruženje) je Udruženje pripadnika dvanaest opšte priznatih derviških redova: Kaderi, Rifai, Nakšibendi, Mevlevi, Halveti, Šazili, Bedevi, Desuki, Sadi, Sinani, Bajrami i Bektaši.

Udruženje je vanstranačka, nepolitička organizacija i u svom djelovanju se neće vezati za bilo koju političku stranku.

Član 2.

Statut Udruženja sadrži odredbe o nazivu Udruženja; sjedištu i području na kome se ostvaruje djelatnost Udruženja; programskim ciljevima i sadržaju djelatnosti; pravima, dužnostima i odgovornostima članova; zastupanju i predstavljanju Udruženja; pravnom statusu udruženja, znaku, štambilju i amblemu Udruženja; izvorima materijalnih sredstava udruženja, namjeni imovine za slučaj prestanka djelovanja, te drugim odredbama značajnim za rad Udruženja.

II NAZIV UDRUŽENJA

Član 3.

Udruženje djeluje pod nazivom: Udruženje derviških redova Bosne i Hercegovine "Tarikatski centar" (skraćeni naziv udruženja je "Tarikatski centar").

III SJEDIŠTE I PODRUČJE NA KOME SE OSTVARUJE DJELATNOST UDRUŽENJA

Član 4.

Sjedište Udruženja je u Sarajevu, Halilbašića 18.

Član 5.

Udruženje djeluje na cijeloj teritoriji Bosne i Hercegovine.

IV PROGRAMSKI CILJEVI I SADRŽAJ DJELATNOSTI

Član 6.

Ciljevi Udruženja su:

- da radi na duhovnom uzdizanju i moralnom vaspitanju muslimana u skladu sa šeriatom i tarikatom,
- da radi na vjersko-prosvjetnom, stručnom i intelektualnom uzdizanju članova,
- da štiti ugled i podiže autoritet pripadnika tarikata kao nosilaca islamske duhovne kulture,
- da podstiče i podržava tradiciju uvakufljenja radi uvećanja vakufske imovine,
- da provodi i podržava sve druge korisne akcije koje su u skladu sa islamskim propisima i ciljevima društva.

Član 7.

Radi ostvarenja predviđenih ciljeva Udruženje će da:

- okuplja u članstvo sve muslimane pripadnike dvanaest priznatih derviških redova i njihovih ogranaka (kolova),
- stara se o obavljanju zajedničkog zikira u ustanovama Udruženja po propisima (usulu) jednog od derviških redova (iz člana 1. Statuta),
- stara se o obavljanju iršada prema usulu jednog od derviških redova (iz člana 1. Statuta),
- priprema, organizuje i sprovodi održavanja tekijskih svečanosti (Mevludi, Sebi arus, Jevmi Ašura, Mubarek večeri i...),
- organizuje dersove, simpozije i tribine sa vjerskim sadržajem u okviru Kur'anskog učenja i tesavvufskog pravca,
- radi na izdavanju i širenju edicija islamskog, a posebno tesavvufsko-tarikatskog sadržaja,
- izdaje svoje glasilo "Sebi Arus" u kojem će iznositi i raspravljati tarikatsko-tesavvufska i druga pitanja od značaja za islam kod nas,
- njeguje i razvija islamsku tradiciju, te da sa njom upoznaje svoje članove i širu javnost,
- podržava i štiti interese članova koji su izraženi kroz Statut i program Udruženja,
- održava stalan kontakt i njeguje uzajamne odnose sa drugim organima Islamske zajednice,
- saraduje sa udruženjima derviških redova van granica zemlje na ravnopravnim osnovama,
- vrši i druge poslove od interesa za tarikat i tesavuf.

V PRAVA, DUŽNOSTI I ODGOVORNOSTI ČLANOVA

Član 8.

Članovi Udruženja ostvaruju svoje zajedničke interese i razvijaju aktivnosti u skladu sa Statutom i drugim aktima Udruženja.

Član 9.

Članstvo u Udruženju je redovno i počasno.

Redovni članovi Udruženja mogu biti: šejhovi, vekili šejha, rehberi, muridi i muhibi sa virkom jednog od dvanaest priznatih tarikata iz člana 1. Statuta, a da su članovi Islamske zajednice sa područja BiH.

Počasni član Udruženja može biti svaki pripadnik Islamske zajednice koji se ističu radom i doprinosom ostvarenju zadataka Udruženja.

Član 10. •

Prijem u redovno članstvo Udruženja se vrši preko osnovnih ustanova Udruženja.

Osnovne ustanove Udruženja su svi zikir medžlisi - mjesta gdje se održava zajednički zikir po usulu jednog od dvanaest derviških redova iz člana 1., a to su: tekije, džamije i mesdžidi sa halkai zikirom.

Prijem počasnih članova vrši Savjet udruženja na prijedlog Izvršnog odbora Savjeta ili ustanova Udruženja.

Član 11.

Redovni članovi Udruženja se koriste objektima, prostorijama, uređajima, štampom i edicijama Udruženja u skladu sa normativnim aktima.

Član 12.

Redovni članovi Udruženja su dužni da stalno rade na izvršavanju zadataka i ostvarivanju ciljeva Udruženja, da čuvaju ugled i interese Udruženja, da se pridržavaju Statuta i drugih normativnih akata Udruženja, da svojim životom i vladanjem ne krnje ugled Udruženja i Islamske zajednice, da uredno plaćaju članarinu iz koje se finansira rad ustanova Udruženja.

Član 13.

Redovni članovi Udruženja imaju pravo da učestvuju u radu džematskih odbora ustanova Udruženja; da podnose prijedloge i primjedbe na rad ustanova Udruženja, a preko svojih predstavnika i na najviše organe Udruženja.

Član 14.

Svi zikir medžlisi (tekije, džamije, mesdžidi i druga prikladna mjesta) koji žele da pristupe Udruženju dužni su da uz molbu u pismenoj formi dostave i sljedeće podatke: naziv, adresu, tarikat kojem pripada, ime i prezime starješine zikir medžlisa, ovlaštenje koje posjeduje (šejhovska hilafet nama ili izun nama), kopiju dokumenta koji mu je izdat, ko i kada je dokument izdao, program rada, dan i sat održavanja zikira, brojnost džemaata.

Član 15.

U roku od trideset dana od prijema zahtjeva za članstvo Udruženje je dužno preko svojih organa da informiše podnosioca zahtjeva o svojoj odluci.

Ako je odluka Udruženja pozitivna dati zikir medžlis, ako se radi o kolektivnom članstvu, postaje ustanova Udruženja.

Član 16.

Članstvo o Udruženju prestaje:

- izjavom o istupanju iz Udruženja,
- neizvršavanjem obaveza propisanih Statutom,
- isključenjem,
- smrću,
- iseljenjem sa područja djelovanja Udruženja.

Član 17.

Ako član Udruženja izvrši težu povredu ugleda ili interesa Udruženja (u skladu sa normativnim aktima Udruženja) sprovede se postupak u kome se utvrđuje odgovornost člana.

Član 18.

Organ nadležan za odlučivanje o odgovornosti člana Udruženja je Sud časti. Sud časti donosi odluke u prvom stepenu. Na odluku Suda časti član ima pravo prigovora (žalbe) u roku od 8 dana od dana donošenja odluke Suda časti. Savjet Udruženja odlučuje u drugom stepenu po prigovoru.

Rad prvostepenog i drugostepenog organa u disciplinskoj odgovornosti urediće se posebnim normativnim aktom Udruženja.

VI ZASTUPANJE I PREDSTAVLJANJE UDRUŽENJA

Član 19.

Udruženje zastupaju i predstavljaju u odnosima sa trećim licima predsjednik Savjeta Udruženja - šejhul mešaih i sekretar Savjeta Udruženja.

VII PEČAT, AMBLEM I ZASTAVA UDRUŽENJA

Član 20.

Udruženja ima svoj pečat.

Pečat je okruglog oblika, sa prečnikom 35 mm. U koncentričnim krugovima nalazi se latinicom ispisan naslov: Udruženje derviških redova Bosne i Hercegovine Tarikatski centar Sarajevo. Udruženje ima svoj pečat istog oblika i sadržaja i na arapskom jeziku.

Član 21.

Amblem Udruženja je okruglog oblika, zelene boje sa ispisanim elifom na sredini oko kojeg je u krug ispisano osamnaest malih nula.

Član 22.

Zastava Tarikatskog centra je zelene boje sa ispisanim elifom u sredini oko kojeg je u krug ispisano arapskim pismom: La ilahe illellah Muhammed resululah. Dužina zastave u odnosu na širinu je u srazmjeri 2:1.

VIII ORGANIZACIJA I PRAVNI STATUS UDRUŽENJA

Član 23.

Udruženje ima svojstvo pravnog lica i za obaveze odgovara svim sredstvima.

Član 24.

Udruženje djeluje na osnovu Kur'ana, Sunneta i iz njih izvedenih propisa, Ustava Islamske zajednice Statuta Udruženja i odredaba Zakona o udruživanju građana i primjenjuje ih prema pravilima (usulu) tarikata.

Član 25.

Rad Udruženja je javan.

Član 26.

S obzirom na prostiranje djelatnosti Udruženje je registrovano kod Višeg suda u Sarajevu.

Član 27.

Izvršenje zadataka Udruženje povjerava svojim ustanovama, organima, predsjedniku i sekretaru Udruženja. Ustanove Udruženja su banikah, tekija, džamija, mesdžid i drugi objekti u kojima se obavlja zajednički zikir.

Član 28.

Hanikah je najviša naučno-obrazovna institucija Udruženja i služi za naučno i moralno uzdizanje šejhova i vekikih šejha. Hanikah daje opštu islamsku i naučno-tesavvufsku naobrazbu, a ne djeluje u smislu tekije jednog tarikata i usula.

Program i način rada donosi Savjet Udruženja.

Rukovođenje hanikahom se povjerava šejhu kojeg određuje Savjet Udruženja, a prema posebnoj odluci sjedište hanikaha će odrediti Savjet Udruženja.

Član 29.

Tekije su osnovne ustanove za zikir i iršad. Zikir i iršad su posebni vjerski obredi i poslovi (ibadat) koji su u skladu sa islamskim propisima, a vrše ih šejhovi i vekili.

Zikir je zajednička molitva, koja se obavlja sjedeći ili na nogama, sa učenjima i pokretima prema usulu dotičnog tarikata.

Iršad je upućivanje na pravi put i vođenje ka vjersko odgojnom i prosvjetnom uzdizanju odraslih muslimana u skladu sa šeriatom i tarikatom, po metodi datog tarikata, a u duhu tesavvufa.

Tekijom se smatra ustanova koja raspodlaže potrebnim prostorijama za sprovođenje navedenih aktivnosti, a vlasništvo su Islamske zajednice, a proglašava je Savjet Udruženja.

Tekija može imati svoj pečat. Pečat tekije istovjetan je pečatu Udruženja, s tim što se dodaje naziv date tekije.

Član 30.

Starješina tekije je šejh koji je dobio odgovarajuću hilafet namu od mjerodavnog šejha, a koju je potvrdio Savjet Udruženja.

Iznimno starješina tekije može biti i vekil šejha, ako je mjesto šejha upražnjeno.

Član 31.

Vekil ne može biti šejh tekije, niti vršiti iršad, već zastupa šejha u obavljanju zikra.

Član 32.

Starješine tekije se postavljaju po tarikatskom usulu konkretnog tarikata kojem tekija pripada.

Član 33.

Svaka tekija je dužna da oformi svoj džemaatski odbor. Na prijedlog džemaata tekije džemaatski odbor postavlja nadležni odbor Islamske zajednice sa tog područja. Džemaatski odbor broji tri do pet članova. Članove džemaatskog odbora, osim šejha tekije, biraju džematlije neposredno. Predsjednik džemaatskog odbora je i mutevelija tekijskih objekata, a šejh ili vekil šejha tekije virilni predsjednik. Mutevelija je neposredno odgovoran nadležnom organu Islamske zajednice i ovome podnosi izvještaj o svom radu.

Džemaatski odbor tekije vrši ove poslove:

- vodi evidenciju nepokretne imovine,
- vodi brigu o održavanju tekije, pripadajućih turbeta i grobalja,
- stara se o prikupljanju novčanih i drugih priloga za potrebe i održavanje tekijskih objekata,
- samostalno upravlja ostvarenim prihodima i drugim prilozima i iste koristi za održavanje tekije, odvijanje i razvoj vjerskog života i održavanje vjerskih svečanosti,
- dio realizovanih sredstava dostavlja Savjetu Udruženja za zajedničke potrebe,
- vrši i ostale poslove koje mu odrede Udruženje i nadležni organ Islamske zajednice,

- mutevelija posebno vodi brigu i upravlja sa vakufom tekije pridržavajući se pri tome odredaba vakufname i propisa koje donosi nadležni organ Islamske zajednice.

Član 34.

Halkai zikir je mjesto gdje se održava zajednički zikir (džamija, mesdžid, ili drugo prikladno mjesto).

Starješina halkai zikira može biti šejh, vekil šejha ili rehber zakirbaša sa pismenom dozvolom za obavljanje zajedničkog zikira.

Član 35.

Svaki halkai zikir ima svoju matičnu tekiju koja se brine o njegovom radu. Postavljanje starješine halkai zikira vrši Savjet Udruženja na prijedlog šejha matične tekije uz podnesenu dokumentaciju.

Član 36.

Ako se u jednom mjestu steknu uslovi za otvaranje tekije ili halkai zikira Savjet Udruženja će o tome donijeti odluku i otvoriti ih.

Član 37.

Uvjeti za osnivanje tekije ili halkai zikira u datom mjestu su:

- postojanje interesa, od muslimana, iskazanog kroz prihvatanje tarikatskog učenja;
- postojanje sposobne i podobne ličnosti za starješinu tekije, odnosno halkai zikira;
- ako u tom mjestu ne postoji tekija ili halkai zikir dotičnog reda;
- raspolaganje adekvatnim prostorom za obavljanje zajedničkog zikira ili izgradnjom tekijске zgrade;
- pribavljanje saglasnosti odbora Islamske zajednice s tog područja.

TARIKATSKE SVJEDODŽBE

Član 38.

Tarikatske svjedodžbe su inaba, talkin i bejat nama; izun nama i idžazet-hilafet nama.

Član 39.

Inaba ili intisab je tarikatski list koji sadrži dnevno obavezno učenje (vird) jednog derviša sa potpisom šejha ili vekila. Na njoj je napisano ime muhibba kome se daje.

Član 40.

Talkin ili bejat je tarikatski zavjet izgovoren pred šejhom. Na listu je ispisano dnevno obavezno učenje murida sa potpisom šejha.

Član 41.

Izun nama ili vekjalet nama je dozvola za vođenje zajedničkog zikira sa potpisom šejha. Izdaje se šejh sposobnijem dervišu prema potrebi za otvaranje i vođenje halkai zikira.

Vekil je zastupnik, saradnik i pomagač šejhu u obavljanju posebnih dužnosti u tekiji i van nje.

Član 42.

Idžazet nama ili hilafet nama je diploma za zvanje šejha sa potpisom i senedom. Izdaje se šejh muridu koji ispunjava slijedeće potrebne uslove:

Poznavanje akaida fikha, ahlaka, istorije Islama, pravilno učenje Kur'ana, poznavanje zikra

i iršada.

Uslovi za valjanost hilafet name iz sejri suluka su:

- muhakkak, stvarno i pouzdano osposobljenje kandidata;
- muselsel, lančano prenošenje jednog od drugog;
- musedždžel, da se zabilježi.

Hilafet nama je diploma na osnovu koje se stiče pravo za širenje dotičnog tarikata, primanje u tarikat sa talkinom i bejatom (prisegom) i uvođenje u zvanje šejha.

Član 43.

Mešihat Islamske zajednice BiH vrši potvrđivanje izbora šejhova i vekila šejha tekija ili halkai zikira na prijedlog Savjeta Udruženja.

Član 44.

Svaki tarikat ima svoje obilježje i nošnju (alameti farika). Nošnja tarikatske odjeće i drugih znakova se reguliše posebnim pravilnikom, a na osnovu pravila pojedinih derviških redova.

ORGANI UDRUŽENJA

Član 45.

Organi Udruženja su:

- Glavna skupština;
- Savjet Udruženja;
- Sud časti.

GLAVNA SKUPŠTINA

Član 46.

Glavna skupština je najviše predstavničko tijelo Udruženja. Sačinjavaju je šejhovi tekija i vekili šejhova tekija, te starješine halkai zikira sa područja BiH.

Član 47.

Glavna skupština može biti redovna i vanredna. Redovna Glavna skupština se održava u vremenskim intervalima od po četiri godine.

Vanredna skupština se održava kada to uslovljavaju vanredne potrebe i okolnosti, a na pismeno obrazloženi zahtjev Savjeta Udruženja ili najmanje jedne trećine članova Glavne skupštine.

Član 48.

Glavnu skupštinu saziva Savjet Udruženja.

Član 49.

Glavna skupština može se održati ako je prisutno više od polovine ukupnog broja članova. Skupština donosi odluke većinom glasova prisutnih članova.

Član 50.

Glavnu skupštinu otvara predsjednik Savjeta, a potom Skupština bira radno predsjedništvo koje rukovodi skupštinom.

Radno predsjedništvo sačinjava 5 članova iz redova članova skupštine.

Glasanje se u skupštini vrši javno ili tajno prema tome kako skupština odredi.

Član 51.

Glavna skupština u okviru svoje nadležnosti:

- donosi Statut Udruženja;
- raspravlja i odlučuje o svim poslovima derviških redova u BiH;
- određuje smjernice za sve organe Udruženja;
- bira i razrješava članove Savjeta Udruženja;
- razmatra i odobrava izvještaj Savjeta Udruženja o njegovom radu;
- donosi finansijski plan Savjeta Udruženja;
- vrši i druge poslove saglasno svom položaju.

SAVJET UDRUŽENJA

Član 52.

Članovi Savjeta Udruženja po položaju su starješine tekija i voditelji zikir medžlisa koji su tarikatski šejhovi ili vekili šejha.

Član 53.

Najmanje su dva od izabranih članova Savjeta Udruženja iz reda uleme, koji nisu stupili u tarikat, a njegovi su prijatelji i u funkciji su konzultativnih islamologa po svim pitanjima o kojim raspravlja Savjet Udruženja.

Član 54.

Rehberi nisu članovi Savjeta, a mogu prisustvovati sjednicama Savjeta.

Član 55.

U okviru svojih prava i dužnosti Savjet:

- izvršava odluke Glavne Skupštine i priprema njeno zasjedanje;
- rukovodi svim poslovima Udruženja;
- vrši nadzor nižih organa i ustanova čiji je osnivač;
- postavlja šejhove i vekile šejha u tekijama i starješine medžlisa zikira;
- organizuje izvršavanje vjerskih obreda tarikatskog karaktera od republičkog značaja;
- podnosi izvještaj o svome radu Glavnoj skupštini Udruženja;
- upravlja imovinom Udruženja;
- vrši prijem u počasno članstvo Udruženja;
- vrši sazivanje redovne i vanredne Glavne skupštine udruženja;
- donosi pravilnik i program rada hanikaha;
- postavlja šejha hanikaha;
- donosi odluku o otvaranju tekije ili medžlisa zikira i o tome informiše Mešihat IZ;
- ocjenjuje i potvrđuje sve hilafet name na području BiH;
- organizuje naučno-istraživačke djelatnosti na polju tesavvufa, organizuje seminare i druge stručne skupove iz islamistike;
- stara se o izdavanju glasila Udruženja "Šebi Arus", koji izlazi najmanje jedanput godišnje;
- nadzire tekije i medžlisa zikire u strogom pridržavanju pravila tarikata kojem pripadaju (u iršadu, terbijetu, zikiru i adabu);
- brine se o održavanju tekija;
- podnosi prijedlog Mešihata IZ za BiH za izgradnju i opravku objekata IZ;

- redovno informiše Mešihat IZ o svom radu;
- informiše javnost o svom radu;
- sarađuje sa Mešihatom IZ za BiH na organizovanju vjerskih svečanosti;
- usvaja predračune prihoda i rashoda Glavne skupštine, Savjeta, Nadzornog odbora i Suda časti,
- vrši i druge poslove saglasno svom položaju.

Član 56.

Sjednice Savjeta saziva predsjednik Savjeta ili lice koje on ovlasti.
Sjednica se saziva po potrebi, a najmanje dva puta godišnje.
Rad Savjeta je regulisan Poslovnikom o radu.

Član 57.

Na prvoj sjednici poslije izbora Savjet Udruženja vrši konstituisanje izborom predsjednika i sekretara sa mandatom od 4 godine.

Član 58.

Predsjednik Savjeta je ujedno i predsjednik Glavne skupštine.
Predsjednik Savjeta se bira između šejhova sa hilafet namom jednog od priznatih tarikata.

Član 59.

Savjet Udruženja bira na svojoj prvoj sjednici i Izvršni odbor koji broji pet članova. Zadaci Izvršnog odbora su operativna realizacija odluka Savjeta, priprema sjednica Savjeta.
U Izvršni odbor po funkciji ulaze predsjednik i sekretar Savjeta.
Mandat članova Izvršnog odbora traje četiri godine.

Član 60.

Sekretar Savjeta se bira o sprovođenju odluka donesenih na sjednici Savjeta, prikuplja materijal za narednu sjednicu, izvištava članove Savjeta i Izvršnog odbora o provođenju ranijih odluka i dostavlja mu prispjelu novu dokumentaciju.

Sekretar obavlja i ostale tekuće poslove iz domena rada Savjeta između dvije sjednice.

IX RJEŠAVANJE SPOROVA

Član 61.

Sporovi unutar Udruženja rješavaju se sporazumno. U slučaju da se pojedini spor ne riješi u skladu sa prethodnim stavom, obrazuje se Sud časti. Sud časti se sastoji od tri člana.
Rad Suda časti će se urediti posebnim normativnim aktom Udruženja.

X IZVORI MATERIJALNIH SREDSTAVA UDRUŽENJA I NJIHOVA UPOTREBA

Član 62.

Izvori za formiranje sredstava Udruženja su:

- upisnina i članarina,
- vakufi,
- vasijeti,
- dobrovoljni prilozi i pokloni,

- prihodi od izdavačke i privredne djelatnosti,
- godišnje dotacije IZ.

Član 63.

Prihodi koje Udruženje ostvari iz izvora navedenih u članu 62. mogu se koristiti za:

- režijske troškove,
- održavanje kurseva, seminara i predavanja,
- naknadu troškova za sjednice Glavne skupštine i Savjeta Udruženja,
- pripremu i održavanje vjerskih svečanosti na nivou Udruženja,
- davanje pomoći siromašnim, iznemoglim i bolesnim članovima Udruženja i njihovim neoskrbljenim porodicama,
- naknadu putnih troškova,
- izdavanje "Sebi Arusa" i drugih edicija,
- druge namjene i potrebe za koje donose odluku Glavna skupština ili Savjet.

Član 64.

Džemaatski odbori koriste sredstva koja su ostvarili prikupljanjem članarine i dobrovoljnih priloga na svom području za realizaciju ciljeva i zadataka Udruženja, a prema potrebi svake date tekije i halkai zikira.

Dio sredstava, koje su prikupili, džemaatski odbori dostavljaju Savjetu Udruženja za pokrivanje zajedničkih potreba iz člana 63.

Član 65.

Starješina međžlisi zikira ne smije primati nikakve nagrade niti ubirati prihode, nego to čini džemaatski odbor preko svog ovlaštenog člana.

Džemaatski odbor će koristiti sredstva kojima raspolaze u pokriće tekućih rashoda i održavanje zgrada kojima raspolaze.

Džemaatski odbori na početku kalendarske godine sačinjavaju plan prihoda i rashoda za tekuću godinu, a na kraju godine bilans prihoda i rashoda dostavljaju Savjetu Udruženja.

XI JAVNOST RADA

Član 66.

U skladu sa načinom javnosti rada Savjet Udruženja obezbjeđuje objavljivanje bitnih dijelova godišnjeg izvještaja o radu Udruženja u svom glasilu "Sebi Arus".

XII PRESTANAK RADA UDRUŽENJA

Član 67.

Udruženju prestaje rad ako tako zaključi Glavna skupština. Odluka o prestanku rada punovažna je ako za nju glasa najmanje dvije trećine prisutnih članova skupštine.

Član 68.

Ako Glavna skupština donese odluku o prestanku rada Udruženja, imovina Udruženja se predaje na čuvanje Mešihatu IZ za BiH za vrijeme od tri godine. Ako u tom roku ne bude osnovano novo Udruženje sa istim ciljevima i zadacima kao i ranije Udruženje, imovina će se unijeti u poseban fond Islamske zajednice. Iz ovog fonda će se dodjeljivati pomoć za održavanje tekijskih zgrada na području BiH.

XIII NORMATIVNA AKTA UDRUŽENJA I NAČIN NJIHOVOG DONOŠENJA

Član 69.

Osim Statuta Udruženja donosi i druga normativna akta kojima se uređuju međusobni odnosi i rad organa Udruženja i drugih pitanja od značaja za rad Udruženja.

Član 70.

Normativna akta ne mogu biti u suprotnosti sa Statutom Udruženja.

Član 71.

Normativna akta donosi Savjet Udruženja sa većinom glasova svih članova Savjeta Udruženja.

Član 72.

Nacrte normativnih akata utvrđuje Izvršni odbor Udruženja i upućuje ih na raspravu u ustanove Udruženja.

Član 73.

Izmjene i dopune normativnih akata vrše se po postupku za njihovo donošenje.

Član 74.

Normativna akta stupaju na snagu osmog dana od dana donošenja. Izuzeto od odredbe prethodnog stava pojedina normativna akta mogu stupiti na snagu narednog dana, od dana donošenja, ako to dozvoljava priroda odnosa koji se regulišu tim aktom, a što se utvrđuje svakim konkretnim aktom.

Član 75.

Autentično tumačenje odredaba normativnih akata daju organi koji su ih donijeli i po postupku po kojem su doneseni.

XIV PRELAZNE I ZAVRŠNE ODREDBE

Član 76.

Savjet Udruženja daje tumačenje odredbi ovog Statuta.

Član 77.

Sva normativna akta Udruženja moraju se uskladiti sa odredbama ovog Statuta najkasnije godinu dana od dana stupanja na snagu.

Član 78.

Osnovne ustanove Udruženja uskladiće svoj rad sa ovim Statutom dva mjeseca nakon njegovog stupanja na snagu.

Član 79.

Ovaj Statut stupa na snagu 8 dana nakon njegovog usvajanja.

Član 80.

Danom stupanja na snagu ovog Statuta prestaju da važe "Propisi o derviškim redovima u BiH" od 9.11.1986. g.

Sarajevo, 17.12.1992. god

Predsjednik Udruženja
H. Šejh Behaudin Hadžimejlić

I L A H I J E

I

Ako hoćeš derviš bit
valja srce očistit,
Rabbu širka ne činit
la illahe illallah.
Grijevova se pokajati
na grijehe se ne vraćat,
dragom Rabbu robovat
la illahe illallah.
Robovat je ljepota
ne poslušat grehota,
iskat plaću sramota
la illahe illallah.
Nijet što je sve Rabb zna
jami sofo ti "rija",
Taleb čini sve rida,
la illahe illallah.
Sve znat valja od Rabba
zaboravit drugoga,
Isbat činit sve Njega
la illahe illallah.
Kitab ovo govori
od hajvana je gori,
ko god aškom ne gori
la illahe illallah.
Slušaj što je emrullah
puno čini zikrullah,
svijem srcem Ja Allah
la illahe illallah.
Ovaj svijet sad će proć
po dušu će Melek doć,
tu će nama bit pomoć
la illahe illallah.
Nut pogledaj Sirrije (nijaz, nijaz)
sve dervise miluje,
i dan i noć kazuje
la illahe illallah.

II

Herkim ejler teke gjahi
evlijaje inti sab.

Naili feji keramet
sahibi jevmul hisab.
Bagi vahdet de ekenler
nevnî hali vahdeti.
Hasuli remzi enel hak
dur kelami bi hisab.
Halka i zikre gelupher
kimki zikrulah i der.
Saki inpaki elunde
nuş ider paki şerab.
Aşkile Allahu deju
arşa çiksun nahiler.
Naleden ten naje duns un
sine olsun çunrubab.
Sureti ademde gjordi
aşki zahir ler seni.
Kjuntu kenzer mazhari
Şirri benun fazlul hisab.

III

Der kjahi nedun
bas dum kudumun
Kalder anade
namusu arun
Zikrejle dżanun
Rabbul anamun.
Čal sen halilum
kudumu nai,
Dinle zikrullah
dżanu gjunulden.
Evlija tadi
mihrabi ortmiş,
Ol deste gjoli
tabenden eşmiş.
Şejhumu Sirri
hak hale duşmiş
Čal sen halilum
Kudumu nai,
Dinle zikrullah
dżanu gjunul den.
Allahu Allah
daidže ašik,

Ahilur ana
 bir babi laik.
 Taibi kamil
 ustazi hazik.
 Ćal sen halilum
 kadumu nai,
 Dinle zikrullah
 džanu gjunulden.
 Halka i tevhid
 kevser jeridur,
 Tehvid idenler
 denet je ridur.
 Halvetti arif
 ašik Sirridur.
 Ćal sen halilum
 kudumu nai,
 Dinle zikrullah
 danu gjunulden.

IV

Pustite me kod praga
 da služim svog šejha
 ja napustit neću
 svoga milog šejha
 ja napustit neću svog milog sultana
 Allah, Allah, Allah, Allah,
 Allah, Allah ja kerim Allah.
 Moj je šejh jedna
 uzvišena osoba
 on je glava učler
 jediler krklera
 on je joldaš sviju dvanaest imama.
 Allah, Allah, Allah, Allah,
 Allah, Allah je kerim Allah.
 Kako ću sutra doći
 pred svoga hazerta
 ja napustit neću
 svog milog šejha
 ja napustit neću svog milog sultana.
 Allah, Allah, Allah, Allah,
 Allah, Allah je kerim Allah.
 Ašik Junuz čim je

na ovaj svijet došo
 tražio je ertum
 dok je derman našo.
 Allah, Allah, Allah, Allah,
 Allah, Allah, je kerim Allah.
 Pustite me do smrti
 da služim svog šejha
 ja napustit neću
 svog milog šejha
 ja napustit neću svog milog sultana.
 Allah, Allah, Allah, Allah,
 Allah, Allah, ja kerim Allah.

V

Hej dervišu ti svog šejha savjet čuj
 sevab hoćeš a zikirom nefsa truj
 O drugome ti svijetu vazda snuj
 Daj nam himet ja hazerti
 KAIMI.

Nut pogledaj oko sebe sav svijet
 imal iko a da neće umrijet
 pa šta ćeš ti na ahiret ponijet?
 Daj nam imdad ja hazerti
 GAIBI.

Nemoj slušat što ti zahir govori
 moli šejha da ti haznu otvori
 nemoj da ti ruhanijet izgori
 daj nam nusret ja hazreti
 ILAHMI.

Nemoj da se ovdje tražit nagradu
 nemoj nikad potpomagat nepravdu
 od harama ti učini ogradu
 pomoći nam Sirri Baba
 EJVELI.

Svom se šejhu teslimijet učini
 ti u sebi nefis terbijet učini
 svoje srce od harama odbrani
 daj nam šuhret ja hazerti
 GEJLANI:

Ernlera što je bilo do danas
 jednako su svjetovali sviju nas
 u tebe je po najprije

Rabbe nas
to je kazo šejh Muhjudin
AFEBI.

Ilmi batinn džennetska je kapija
pa nek ti se u tvom srcu zasija
nek ti batin sve dermane razbija
čuj što veli mevlana šejh
BESTAMI.

U zikiru ti ćeš Rabba upoznat
ilmi ledun u njemu ćeš razabrat
u njem ćeš do perdeta dotjerat
poručuje ašik Junuz
HAZRETI.

Nemoj da ti para bude Rabbul Haj
sve će proći sirat doći dobro znaj
stog se svoga šejha dobro pričuvaj
zapiso je Edi Kebir Šazeli.
Dženab Hakku sve na sedždu ti padaj
svom Resulu salavate pridavaj
svoga šejha nasihate poslušaj
pa se ne boj reko je šejh
MEJLI.

Esselatu ve selamu je Resul
Esselatu ve selamu je Gafur
Esselatu ve selamu je Magbul
Fahri alem nuri Džihan
Merhaba.

VI

Allah vječni gospodar
za ašike haznader
u eflaku sav vladar
la illahe illellah.
Ako nećeš ašik bit
nećeš Rabba ni vidit
valja srce očistit
lailahe illellah.
Sve što gledaš to će proč
pred Allaha valja doć
vječita je Rabba moć
la illahe illellah.
Ovaj dunja varka je

malo ko zna kakav je
ašikom se sam saznaje
la illahe illellah.
Ne gledaj ti u onog
ko ne voli Jedinog
milosnika vječitog
la illahe illellah.
O, dervišu merhaba
najljepše je kod Rabba
ašik uči svakada
la illahe illellah.
Grehota je velika
ko za Rabba ne pita
gledaj šta je šehida
la illahe illellah.
Oprosti mi ja Rabbi
što ja pisah o tebi
primi me šejh Bosnevi
tajnu otkri šejh Mejli.

VII

Hak, Hak dajen ašikler
djiger leri janikler.
Seharde o janikler
Nakšibendi lerdir bu.
Ašik hajran nider
djigeri pirjani der,
Derviši sultani der
Nakšibendi lerdir bu.
Lime Allah merhemi
nusret olur herdermi.
Vakif Sirri ilahi
Nakšibendi lerdir bu.
Susret zahir den ol
Sirri subhanallah bu
Nakšibendi lerdir bu.
Okur hatme havadje gian
Muršidi ehli iman.
Piri mizdur šah sultan
Nakšibendi lerdir bu.

ILAH IJA

Vidi, vidi lijepi brate
što Visoko lijepo cvate
Čist je bistar od maglate
Hadžihafiz efendin skut
Visočani fini ljudi
trebili se dobre čudi
Iz gefleta njihan budi
Hadžihafiz efendin skut
Napunjen je šerijatom
a nakičen Tarikatom
a miriše hakiketom
Hadžihafiz efendin skut
Od belaja ko god bježi
od svakog se gradi niži
svojom rukom dobro drži
Hadžihafiz efendin skut
Omerhafiz fukara je
kod mnogoga hajka da je
al poljubit sasvim haje
Hadžihafiz efendin skut.